



Møtebok for Kommunestyret

Møtedato: 31.03.2022
Møtestad: Kommunestyresalen Flodmaal
Møtetid: 09:00 - 15:00

Orientering om NGIR klokka 0900 v/Bjørn Berg og Ove-Christian Fredriksen

Sak om høyringsinnspel til Vestland Fylkeskommune sin
Regional Transportplan (RTP) vert ettersendt når utkastet er klart
mandag 28. mars

Frammøtte medlemmer	Parti	Rolle	Merknad
Kjetil Eikefet	SA	Ordførar	
Ove Eidsnes	SA	Medlem	
Liv Anne Aanesen	SA	Medlem	
Anne Britt Almelid	SA	Medlem	
Ann-Jorunn Farestveit	SO	Varaordførar	
Linda Neset	SO	Medlem	
Robert Helland	SO	Medlem	
Håvard Engeseth	SO	Medlem	
Sigrunn Almelid Birkeland	SO	Medlem	

Forfall meldt frå medlem:	Parti	Rolle	Merknad
Kristin Nåmdal	SA	Medlem	Meldt forfall - ingen vara

Marit Kristin Nese	SA	Medlem	Meldt forfall
Roger Wilhelm Fure	SA	Medlem	Meldt forfall
Ole Kristian Øvre Helland	SO	Medlem	Meldt fotfall

Frammøtte varamedlemmer:	Parti	Rolle	Merknad
Inga Jorunn Nåmdal	SA	Varamedlem	Vara for Roger Fure
Siren Bruvik	SA	Varamedlem	Vara for Marit Kristin Nese
Nathalia Osmo Yndestad	SO	Varamedlem	Vara for Ole K Øvre Helland

Frå administrasjonen:	Funksjon:	Rolle	Merknad
Jo Bjarte Tømmerbakke	Rådmann	Møtesekretær	
Tone Selmer Skuggevik	Teknisk sjef	Administrasjon	
Tonje Husum Aarland	Ass. rådmann	Administrasjon	

Sakliste

Saknr	Tittel
006/2022	Godkjenning av innkalling og sakliste
007/2022	Godkjenning av møteprotokoll
008/2022	Referatsaker
009/2022	Orienteringssaker
010/2022	Kommunedelplan for vassforsyning,avlaup og vassmiljø
011/2022	Løyving til rassikring ved Bryggjeslottet - fase 2
012/2022	Næringsfondet - søknad om tilskot frå næringsfondet til vidareføring av prosjekt Ope landskap – beiterydding med geit
013/2022	Busetting av flyktninger i Modalen kommune 2022
014/2022	Regional transportplan 2022 - 2033

Sakspapir

Saksbehandler	Arkiv	ArkivsakID
Anneli Vatle Lilletvedt	FE-033	22/68

Saksnr	Utvalg	Type	Dato
006/2022	Kommunestyret	PS	31.03.2022

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Kommunestyret - 006/2022

KS - behandling:

Samrøystes vedteke

KS - vedtak:

Innkalling og sakliste vert godkjent.

Sakspapir

Saksbehandler	Arkiv	ArkivsakID
Jo Bjarte Tømmerbakke	FE-033	22/68

Saksnr	Utvalg	Type	Dato
007/2022	Kommunestyret	PS	31.03.2022

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Kommunestyret - 007/2022

KS - behandling:

Samrøystes vedteke

KS - vedtak:

Møteprotokoll vert godkjend slik den ligg føre.

Vedlegg:

Protokoll - Kommunestyret - 20.01.2022

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	22/68

Saksnr	Utvalg	Type	Dato
008/2022	Kommunestyret	PS	31.03.2022

Referatsaker

Underliggende saker:

Saksnummer	Tittel
008/2022.1	Høringsuttale vilkårsrevisjon Modalsvassdraget
008/2022.2	Avgjerd om utgreiing - grensejustering mellom Alver kommune og Modalen kommune, alternativt Masfjorden kommune
008/2022.3	Interkommunal plan for sjø - Planutvalet - møte 03.02.2022 - innkalling
008/2022.4	Høringsuttale vilkårsrevisjonar, Evangerutbygginga og Steinslands-Modalsvassdraget
008/2022.5	Interkommunal plan for sjø - Planutvalet - møte 03.02.2022 - referat
008/2022.6	Møteprotokoll frå møtet 23.02.2022
008/2022.7	Årsmelding Modalen kontrollutval 2021 - oversending til kommunestyret

Forslag til vedtak:

Referatsaker vert tekne til orientering.

Saksopplysningar:

Kommunestyret - 008/2022

KS - behandling:

Samrøystes vedteke

KS - vedtak:

Referatsaker vert tekne til orientering.

Sakspapir

Saksbehandler	Arkiv	ArkivsakID
Anneli Vathe Lilletvedt	FE-033	22/68

Saksnr	Utvalg	Type	Dato
009/2022	Kommunestyret	PS	31.03.2022

Orienteringssaker

Forslag til vedtak:

Sakene vert tekne til orientering

Saksopplysningar:

Kommunestyret - 009/2022

KS - behandling:

- Orientering om NGIR v/Bjørn Berg og Ove-Christian Fredriksen

Det vart orientert om:

- Historikk og utvikling
- Kjerneområder for NGIR
- Avfallsfraksjoner
- Aktivitetar i framtida
- Vurderingar kring tenesta.

- Orienteringar frå ordførar og medlemmer i kommunestyret

Ordførar Kjetil Eikefet orienterte om:

- Endra møtedato for kommunestyremøtet i mai frå 19. til 24.
- Representantar frå BOF ønskjer å orientere i neste kommunestyremøtet
- Opning av nytt kommunehus er planlagt måndag 23. mai
- Opning av dagsturhytta er planlagt laurdag 11. juni
- Handsaming av konsesjonsvilkår og dialog med Eveny om oppfølging av gjeldande konsesjonsvilkår.

Onsdag 20. april kjem Eviny til Modalen for vidare drøfting om dette.

- Samling for næringslivet tysdag 29. mars;

Presentasjon av rapport om Næringslivsutvikling i Modalen kommune v/ Børge Brundtland. Anders Nyland frå Visit Bergen orienterte i same samling om fordelar og forventningar knytt til Visit Bergen og reiselivsaktørar i medlemskommunane.

- Onsdagstreffen; gode tilbakemeldingar om dette tilbodet.

Siren Bruvik (SA) stilte spørsmål kring bustadutvikling og moglegheiter for tomtar på Mo. Teknisk sjef Tone Selmer Skuggevik orienterte om status for dette, og kommunestyret vil få orientering om prosessen og status i neste kommunestyremøtet.

· Orientering frå administrasjonen

Rådmann Jo Tømmerbakke og ass.rådmann Tonje Husum Aarland orienterte om

- Besøk frå leiinga frå Haraldsplass Diakonale Sykehus.

Samhandling, erfaringar og planar for framtida var tema i møtet.

- Barnvernssamarbeid

Modalen kommune har kjøpt barnevernstenestar frå Vaksdal kommune. Kommunestyret i Vaksdal skal handsame ny avtale om interkommunalt vertskommunesamarbeid i sitt førstekomande møte 5. april. Modalen kommune har dialog med Vaksdal og Osterøy om mogleg samarbeid, og formannskapet og kommunestyret vil til dei neste møtene få framlagt sak om dette.

Samrøystes vedteke

KS - vedtak:

Sakene vert tekne til orientering.

Sakspapir

Saksbehandler	Arkiv	ArkivsakID
Tone Selmer Skuggevik	FA-M09	20/96

Saksnr	Utvalg	Type	Dato
010/2022	Kommunestyret	PS	31.03.2022
009/2022	Formannskapet	PS	22.03.2022

Kommunedelplan for vassforsyning, avlaup og vassmiljø

Forslag til vedtak:

Modalen kommunestyre vedtek kommunedelplan for vassforsyning, avlaup og vassmiljø slik den ligg føre.

Modalen kommunestyre vedtek kommunedelplan for vassforsyning, avlaup og vassmiljø slik den ligg føre, med dette tillegget: punkt 12 i tabell 1 tiltaksplan blir lydane slik: VA-anlegg nytt bustad felt Kleivane/Trohaugen

Saksopplysningar:

Bakgrunn:

Gjeldande VA-planar for Modalen kommune er frå 1997 og er såleis av eldre dato. Det er behov for å vedta ny plan med reviderte målsetjingar, oppdatert status og tiltak for å sikre vassforsyninga, avlaupshandteringa og vassmiljøet i Modalen.

Det er utarbeidd ein felles kommunedelplan for sektorane vatn og avlaup.

Oppstart av planarbeidet vart vedteke av formannskapet i Modalen hausten 2020. Det vart nedsett ei kommunal prosjektgruppe som har leia arbeidet med kommunedelplanen. Norconsult AS er rådgjevar for planarbeidet og har delteke i prosjektgruppa, som består av følgjande medlemmer:

Tone Selmer Skuggevik, Teknisk sjef

Kjell Langeland, Konsulent Teknisk

Njål Bolstad Eidsnes, Ingeniør Teknisk

Johan M Hansen, oppdragsleiar Norconsult

Ingrid Vatne, Rådgjevar Norconsult

Hausten 2020 vart det utarbeidd eit planprogram for planarbeidet. Melding om oppstart av planprosessen vart sendt til offentlege mynde og lag, samt kunngjort på kommunen sine heimesider. I tråd med plan- og bygningslova vart planprogrammet lagt ut til offentlig ettersyn av formannskapet 29. oktober 2020, med høyringsfrist 09.12.2020. Planprogrammet vart vedteke i kommunestyret 18.02.2021.

Vurdering

Planutkastet vart etter handsaming i Formannskapet i møte 23.11.2021 lagt ut til offentlig ettersyn i perioden 10.12.2021 – 21.01.2022. Det kom inn høyringsfråsegn frå Norges vassdrags- og energidirektoratn (NVE), Direktorat for minerealforvaltning (DMF) og Vestland Fylkeskommune.

NVE har ingen merknader til planutkastet. DMF peiker på at mineralressursene i Modalen kommune må takast omsyn til ved prosjektering av nytt VA-anlegg, slik at ressursane ikkje vert forhindra. Vestland fylkeskommune har fleire innspel til tekst som kan leggjast til planutkastet om Modalen sitt arbeid med vassområde Voss-Osterfjorden, samt tiltak om kartlegging av dei separate avlaupsanlegga. Innkomne merkandar og korleis desse er innarbeidd i planen er vist i vedlegg 1. Komplette innspel er vist i vedlegg 2. Modalen kommune takkar for gode innspel til planutkastet.

Kommunedelplanen er delt inn i fire delar (Del A-D). Del A er felles for vassforsyning og avlaup og tar for seg bakgrunn og rammer for planarbeidet, mellom anna lovgrunnlag og sentrale forskrifter, tilhøvet til andre planar og korleis arbeidet med vassforsyning og avlaup er organisert i kommunen.

Del B tar for seg vassforsyninga i kommunen. Der vert det gjeve skildring av eksisterande anlegg samt naudsynte tiltak for vidare utbygging og forbetring. Tilsvarande handlar del C om avlaup. Del D visar ei oversikt over prioritering og kostnadskalkyle for tiltaka.

Føremålet med planen er å sikra at alle i Modalen kommune til ei kvar tid skal ha tilgang til nok og godt drikkevatt. Transport og reinsing av avlaupsvatt skal vere i samsvar med regelverk og NS-standard.

Som ein del av planarbeidet er det gjennomført risiko- og sårbarheitsanalyse (ROS) for vassforsyninga. ROS-analysen har identifisert fleire hendingar med uakseptabel risiko med omsyn til samfunnstryggleik.

Jamfør innspel frå Statsforvaltaren er det også gjennomført Miljørisikoanalyse for avlaup i planprosessen. Analysen identifiserer og understreker behovet for å få innmålt og dokumentert eksisterande anlegg.

Det er viktig å investera i vassforsyning og avlaupshandtering i Modalen dei kommande åra. I første omgang er det viktig å få oversikt over leidningsnett og anlegg gjennom innmåling og etablering av digital leidningsdatabase. I tillegg vert det viktig å sikra tilstrekkeleg sikkerheit og kapasitet i vassforsyninga og å sikra tilstrekkeleg reinsing av avlaupsvatnet. Eksisterande kommunalt utsleppsløyve skal fornyast basert tilhøve i resipientane.

Tiltaka i planperioden gjev utslag i store økonomiske investeringar. Totalt er det planlagt tiltak for om lag 27 mill. kroner i perioden 2022-2032. I Modalen kommune vert vassforsyning og avlaupshandtering subsidisert. Det er få abonnentar å dela kostandane og ved full sjølvkost ville gebyrnivået i planperioden blitt svært høgt.

Fastsetjing av gebyr og kor stor andel som skal vera subsidiert vert vurdert ved fastsetjing av budsjett hausten 2022. I planen er det vist korleis VA-gebyret ville blitt ved full sjølvkost i planperioden.

Tiltaka i hovudplanen er overordna tiltak basert på dagens informasjon om anlegga. Vidare undersøkingar kan endre omfang og korleis problemstillingane vert løyste.

Konklusjon

Rådmannen tilrår at kommunestyret vedtek kommunedelplan for vassforsyning, avlaup og vassmiljø slik den ligg føre.

Formannskapet - 009/2022

FOR - behandling:

Teknisk sjef Tone Selmer Skuggevik orienterte om kommunedelplan for vassforsyning, avlaup og vassmiljø og svara på spørsmål

Spørsmål/innspel:

- Private vasskjelder og kloakkanlegg; kommunen har ansvar for å ha overordna oversikt og handsame eventuelle søknader knytt til dette.
- Sjå boligutbygging og planane i samanheng.
- Handsaming av mineralundersøkingar.

Samrøystes vedteke

FOR - vedtak:

Modalen kommunestyre vedtek kommunedelplan for vassforsyning, avlaup og vassmiljø slik den ligg føre.

Kommunestyret - 010/2022

KS - behandling:

Rådgjevar Norconsult Ingrid Vatne orienterte om kommunedelplanen for vassforsyning, avlaup og vassmiljø.

Det vart mellom anna orientert nærare om:

- Status for VA i Modalen kommune
- Tiltaksplan 2022 - 2023
- Kostnadsoverslag og behov for investeringar
- Vurderingar kring sjølvkost og gebyr
- Innkomne merknader/høyringsfråsegn.

Spørsmål om private vasskjelder: private må ha godkjende utslippslaup der kommunen er godkjenningssmynde. I planen er private tiltak tatt med, jamfør retningslinjer om dette.

Håvard: Forslag om at ein i tiltak om forprosjekt om utbetring av Kleivande tek med området Trohaugen.

Kommunestyret voterte over nytt forslag til vedtak.

Samrøystes vedteke.

KS - vedtak:

Modalen kommunestyre vedtek kommunedelplan for vassforsyning, avlaup og vassmiljø slik den ligg føre, med dette tillegget: punkt 12 i tabell 1 tiltaksplan blir lydane slik: VA-anlegg nytt bustad felt Kleivane/Trohaugen

Vedlegg:

Kommunedelplan for vassforsyning, avlaup og vassmiljø 2022-2032_E03

Vedlegg 1 Innkomne merknadar med vurdering

Vedlegg 2 Innkomne merknadar komplett

Sakspapir

Saksbehandler	Arkiv	ArkivsakID
Tone Selmer Skuggevik	FA-D11, FA-X53	21/146

Saksnr	Utvalg	Type	Dato
010/2022	Formannskapet	PS	22.03.2022
011/2022	Kommunestyret	PS	31.03.2022

Løyving til rassikring ved Bryggjeslottet - fase 2

Forslag til vedtak:

Rådmannen tilrår at det vert løyvd totalt kr 3 000 000 inkl mva til fase to av rassikring ved Bryggjeslottet.

Saksopplysningar:

I samband med raset som gjekk i fjellsida over Bryggjeslottet 28.mai 2021, engasjerte Modalen kommune geologar frå NGI til å bistå i arbeidet med å sikra ferdselen i og rundt Bryggjeslottet.

Geologane synfarte rasstaden fredag 18.06.21. I etterkant av synfaringa bad Modalen kommune om ei attendemelding med vurderingar og anbefalingar. Det vart då lagt fram ein framdriftsplan for Modalen kommune kor dei tok sikte på å ferdigstilla rapport om skredfarevurdering og alternative sikringstiltak i løpet av juni 2021. (**Vedlegg 1.**) Kart. (**Vedlegg 3**) Vidare framdriftsplan tok sikte på at detaljprosjektering vart utført ila hausten 2021 og at sikringsarbeidet kunne ta til våren 2022.

Bakgrunn

Med bakgrunn i kommunen sitt ynskje om å kjappast mogleg kunna starta reparasjonarbeidet på Bryggjeslottet og å ta i bruk bygget igjen, bad Modalen kommune, NGI i møte 23.06.2021 om å utarbeide ein beskrivelse på naudsynte tiltak for midlertidig bruk av Bryggjeslottet.

Med utgangspunkt i beskrivelsen « Midlertidig sikring av Bryggjeslottet» (**Vedlegg 2**) hadde kommunen dette ute på anbod, der Gjerden Fjellsikring AS vart tildelt jobben. Denne jobben viste seg å vera ein del større en først antatt.

I eit felles møte mellom Modalen kommune, NGI og Gjerden Fjellsikring AS den 22.nov 2021 vurderte NGI den akutte faren for steinsprang mot bygget som over ved fullført rensk.

I slutten av desember 2021 vart Gjerden Fjellsikring AS ferdig med rensk av fjellsida. I tillegg til rensk har Gjerden Fjellsikring AS sett opp eit wiregjerde langs ytterkant av hylla kor det opprinnelege raset først traff samt kartlegging av behovet for bolting.

Vurdering

Arbeidet med rensk som vart ferdigstillt i slutten av 2021 er skildra som eit midlertidig sikringstiltak og kan difor sjåast på som fase ein av arbeidet mot ei forsvarleg sikring av Bryggjeslottet. Den umiddelbare risikoen for steinsprang vart fjerna slik at bygget kunne takast i bruk igjen, og arbeid med reparasjonar kunne ta til.

Mesteparten av kommunens reparasjonsarbeid på Bryggjeslottet vert dekkja av KLP forsikring.

Vidare sikringsarbeid er heilt avgjerdande for å ha moglegheit til å oppnå tilfredsstillande sikkerheitsklasse (*S3 TEK 17*) .§ 7-3. *Sikkerhet mot skred - Direktoratet for byggkvalitet (dibk.no)* Boltinga som ein no skal i gang med er det naturlege neste steg i arbeidet mot ei forsvarleg sikring av bygget.

Tiltaket vert vurdert å vere av investeringsmessig karakter og utgiftsførast og finansierast i investeringsrekneskapen/-budsjettet.

Konklusjon

Rådmannen tilrår at det vert løyvd totalt kr 3 000 000 inkl mva til fase 2 av rassikring ved Bryggjeslottet.

Prosjektet har til no hatt ein kostnad på kr 5,4 millionar inkl mva i 2021.

Finansiering:

Saldo på Næringsfondet pr 1.1.22 er kr 2,5 millionar.

Saldo på Generelt disposisjonsfond pr 01.01.22 er kr 5,1 millionar.

Det vert tilrådd å finansiere utgift til rassikring i 2022 på totalt kr 3 millionar slik:

Mva-kompensasjon kr 600 000

Bruk av næringsfondet kr 1 200 000

Bruk av generelt disposisjonsfond kr 1 200 000

Med utgangspunkt i gjeldande drifts- og investeringsbudsjett for 2022 vil venta nivå på fonda pr 31.12.22 vere slik dersom finansieringa av rassikringa vert som tilrådd:

Næringsfondet kr 1,8 millionar

Generelt disposisjonsfond kr 4,3 millionar

Formannskapet - 010/2022

FOR - behandling:

Rådmann Jo Tømmerbakke og teknisk sjef Tone Selmer Skuggevik orienterte om bakgrunn for saka, prosessen og krav til rassikring.

Tidsramme; om lag 10 veker arbeidstid og målet er å bli ferdig med alt arbeidet knytta til raset til sommaren.

Samrøystes vedteke

FOR - vedtak:

Rådmannen tilrår at det vert løyvd totalt kr 3 000 000 inkl mva til fase to av rassikring ved Bryggjeslottet.

Kommunestyret - 011/2022

KS - behandling:

Teknisk sjef Tone Selmer Skuggevik orienterte om saka og svara på spørsmål

Samrøystes vedteke

KS - vedtak:

Kommunestyret i Modalen vedtek at det vert løyvd totalt kr 3 000 000 inkl mva til fase to av rassikring ved Bryggjeslottet.

Vedlegg:

Vedlegg 1 Bryggjeslottet skredfarevurdering med forslag til sikringstiltak_endelig

Vedlegg 2 Midlertidig sikring av Bryggjeslottet

Vedlegg 3 Område for rensk

Sakspapir

Saksbehandler	Arkiv	ArkivsakID
Laila Bjørge	FE-223	21/142

Saksnr	Utvalg	Type	Dato
012/2022	Kommunestyret	PS	31.03.2022

Næringsfondet - søknad om tilskot frå næringsfondet til vidareføring av prosjekt Ope landskap – beiterydding med geit

Forslag til vedtak:

Saksopplysningar:

Kommunestyret - 012/2022

KS - behandling:

Rådmannen orienterte kort om saka og svara på spørsmål.
Samrøystes vedteke

KS - vedtak:

Modalen kommune løyver kr 60 000,-frå næringsfondet til prosjekt Ope landskap til vidareføring av beiteprosjektet for 2022 og 2023

Vedlegg:

Evaluering av prosjekt Ope landskap

Sakspapir

Saksbehandler	Arkiv	ArkivsakID
Jo Bjarte Tømmerbakke	FA-F30	22/81

Saksnr	Utvalg	Type	Dato
013/2022	Kommunestyret	PS	31.03.2022

Busetting av flyktninger i Modalen kommune 2022

Forslag til vedtak:

Kommunestyret i Modalen vedtek å busette inntil 20 flyktningar i 2022.

Kommunestyret i Modalen vedtak å gje 20 000 kr til Røde Kors i samband med den humanitære situasjonen i Ukraina

Saksopplysningar:

Kommunestyret i Modalen er rysta over Russland sitt brutale militære åtak på Ukraina, og tek avstand frå og vil fordømme Russland sin aggresjon. Angrepet fører til svært dramatiske og tragiske konsekvensar for heile befolkninga i Ukraina, og er eit alvorleg brot på folkeretten.

Kommunestyret støttar alle handlingar som kan føre til ein rask og fredeleg slutt på krigen, der Russland trekkjer seg ut av Ukraina og viser respekt for folkeretten.

Me tenkjer på alle dei uskuldige som vert råka av krigshandlingane og som dagleg vert såra, kjenner på redsel, usikkerheit og sjølvsgt alle liva som går tapt på båe sider.

Denne totalt meiningslause handlinga som krig er, har sendt millionar av menneske på flukt. Difor vil Modalen kommune høgst sannsynleg motta flyktningar i tida som kjem, og kommunestyret oppmodar alle om å vera inkluderande, vise omsorg og vera eit medmenneske for desse.

Bakgrunn

Mange menneske har flykta frå Ukraina sidan Russland sin invasjon i februar i år. Dette er den største massefluksituasjonen Europa har sett sidan den andre verdskrigen. Ein bereknar at 12 millionar menneske vil trenge naudhjelp og beskyttelse internt i Ukraina, medan meir enn 4 millionar kan bli drivne på flukt frå Ukraina innan kort tid.

Dei humanitære følgene er dramatiske i Ukraina og i nabolanda. Dei store flyktningstraumane ut av Ukraina legg betydeleg press på landa omkring. Desse har fått skryt frå FN for å ha stilt opp med ein rask og effektiv beredskap for mottak av flyktningane. Samstundes er dei heilt avhengige av at resten av Europa medverkar.

I Noreg er det stadig aukande inntomstar av ukrainske flyktningar. Det er vedteke at ukrainske statsborgarar skal få mellombels, kollektivt vern. Dette er eit særskilt løyve i utlendingslova § 34 som kan nyttast i ein massefluktsituasjon.

Denne ekstraordinære situasjonen gjer det naudsynt å auke kapasiteten for eit mogleg stort tal på inntomstar av flyktningar til Noreg. Det er framleis uvisst kor stort behovet for busetting blir i år, men det er venta at talet på ukrainske flyktningar aukar i vekene og månadane framover.

I 2015 gjorde kommunane ein formidabel innsats med busetting og kvalifisering av dei store flyktninginntomstane frå Syria og andre land. I tida framover vil kommunane nok ein gong spele ei heilt avgjerande rolle i korleis Noreg som nasjon vil kunne handtere denne krevjande situasjonen. Det er i kommunane at flyktningane skal bu og få kvardagen attende. Talet på busettingsplassar i kommunane, og kor raskt kommunane kan gjere desse tilgjengelege, er derfor heilt avgjerande. IMDi oppmodar derfor alle kommunar i landet om å busette flyktningar i 2022.

Det vil særleg vere kvinner, barn og eldre flyktningar som kjem frå Ukraina. Det er viktig at kommunen no legg planar for å bygge opp tenesteapparatet for fleire flyktningar frå Ukraina og andre land. Dette dreier seg om både bustader, helsetenester, introduksjonsprogram, barnehageplassar og skule.

Hausten 2021 oppmoda IMDi 212 kommunar om å busette til saman 5 500 flyktningar i 2022. Dette var før krigen i Ukraina braut ut. Krigen i Ukraina har ført til at behovet for busetting har stege monaleg. IMDi varsla alle kommunane i landet om dette i brev datert 4. mars. Dei nyaste prognosane viser at behovet for busetting i 2022 er berekna til å vere om lag 35 000 personar. Inkludert i dette talet er 400 einslege mindreårige. IMDi har i samråd med KS fordelt dette talet på alle kommunar i landet.

Talet som ligg til grunn for denne nye oppmodinga inneber ein auke på kring 30 000 busettingsplassar. Dette talet er samstundes usikkert på det noverande tidspunktet. Vi veit ikkje kor lenge krigen i Ukraina vil vare, eller kor mange som vil komme til Noreg, verken på kort eller på lengre sikt. Samstundes legg ein til grunn at inntomstane blir store. Tilkomstar som kan følge av ein solidaritetsordning mellom dei europeiske landa er ikkje inkludert i prognosane på det noverande tidspunktet.

Vurdering

Modalen kommune er av IMDi oppmoda om å busette til saman 20 flyktningar i 2022. IMDi bed om tilbakemelding helst innan 31. mars 2022.

Kommunen har den siste veka kartlagt ledige kommunale bustader, samt oppfordra innbyggjarane til å melde inn ledige husvære som dei ynskjer å leige ut til dette føremålet. Totalt 4 stykker har meldt inn til kommunen at dei har husvære å leige ut. Kommunen har sjølv ein ledig kommunal bustad. Dette gjer at kommunen pr dags dato har nok kapasitet til å kunne busette 20 flyktingar, slik ein vert oppmoda til.

Når det gjeld skule og barnehage vil kommunen ha kapasitet til å ta imot begge stadar dersom det er born blant dei som kommunen blir bedt om å busette. Dette kan krevje oppbemanning av personell i høve kor mange born som kjem. Dette gjeld og i høve til vaksenopplæring i mellom anna norsk for vaksne flyktningar, som ein ikkje har tilsett personell til på noverande tidspunkt.

Styresmaktene forstår at dette er ein utfordrande situasjon også for kommunane. IMDi har stønadsordningar som blir utløyste for personane som kommunen skal busette. Det skal legges til rette for at kommunen skal kunne auke kapasiteten i tråd med behovet.

Personar som får mellombels, kollektivt vern er i målgruppa for busetting med offentleg hjelp, og vert busette etter avtale mellom IMDi og kommunen på same måte som andre flyktningar. Opphaldsløyva dannar grunnlag for rett og plikt til å delta i introduksjonsprogram i samsvar med integreringslova, så lenge flyktningen er busett etter avtale mellom kommunen og IMDi. Busettinga av ukrainske flyktningar utløyser dermed ordinært integreringstilskot.

Aktuelle tilskot:

Kommunar som buset flyktningar, får utbetalt integreringstilskot. Tilskotet blir utbetalt etter at flyktningen er busett. Tilskotet skal medverke til at kommunane arbeider aktivt med busetting og integrering slik at flyktningane kjem i arbeid, forsørger seg sjølve og deltar i samfunnet så raskt som mogleg.

Det er ulike satsar for tilskot, avhengig av i kva kategori ein person blir busett i år 1:

-integreringstilskot einslege vaksne kr 234 900 per år

-integreringstilskot vaksne og barn i familiar kr 189 400 per år

-integreringstilskot einslege mindreårige kr 182 300 per år

-barnehagetilskot, barn 0—5 år kr 27 100 per år

-eldretilskot, fylt 60 år ved busetting kr 176 000 per år

Det er og særskilte tilskotsordningar for kommunar som buset einslege mindreårige eller flyktningar som har eit særskilt behov for oppfølging og tilrettelegging. Kommunar kan og få tilskot for vaksne innvandrarak som har rett og plikt til opplæring i norsk og samfunnskunnskap.

Konklusjon

Rådmannen tilrår at kommunestyret i Modalen kommune føl oppmodinga frå IMDi og gjer vedtak om å kunne busette inntil 20 flyktningar i 2022. Kommunen si kartlegging av ledige kommunale og privateigde husvære viser at det er ledig kapasitet til slik busetting. Kommunen vil og ta kontakt med aktuelle nabokommunar for å prøve å få til eit samarbeid om flyktningekonsulent og vaksenopplæring, då kommunen ikkje har denne ressursen i dag. Ved førre busetting av flyktningar i 2015/2016 samarbeidde Modalen med Masfjorden kommune om ein slik ressurs for oppfølging av flyktningane.

Kommunestyret - 013/2022

KS - behandling:

Ordfører og rådmannen orienterte om saka og svara på spørsmål.

Håvard Engeseth låg fram forslag om å auke tilskotet til Røde Kors frå 20000 kr til 50000 kr.

Ordfører tok Engeseth sitt framlegg opp til votering. Samrøystes vedteke

KS - vedtak:

Kommunestyret i Modalen vedtek å busette inntil 20 flyktningar i 2022.

Kommunestyret i Modalen vedtak å gje 50 000 kr til Røde Kors i samband med den humanitære situasjonen i Ukraina

Vedlegg:

Ny oppmoding 2022 - Modalen kommune

Sakspapir

Saksbehandler	Arkiv	ArkivsakID
Jo Bjarte Tømmerbakke	FA-N10	22/57

Saksnr	Utvalg	Type	Dato
014/2022	Kommunestyret	PS	31.03.2022

Regional transportplan 2022 - 2033

Høyringsinnspel til økonomisk handlingsprogram og investeringsprogram(RTP) frå Modalen kommune

Forslag til vedtak:

Kommunestyret i Modalen vedtek vedlagt høyringsuttale som innspel til økonomisk handlingsprogram og investeringsprogram for Regional transportplan 2022 – 2033

Modalen kommune ber om at følgjande tiltak vert prioritert raskt:

1. Fv 5412 – Modalen treng punktutbetring, reparasjon av vegkropp, flaumsikring fire ulike stader og oppgradering av vegdekke på strekninga mellom Helland – Straume.
Vegen er i særskild dårleg tilstand. Vegen er viktig for dagleg drift av Modalen kommune, transport av landbruksprodukt til og frå kommunen slik som mjølk, gjødsel, kraftfôr mm. Den er og pendlarveg for tilsette i privat og offentleg sektor, skuleveg for elevar i grunnskule og vidaregåande skule, born og tilsette i barnehage, utrykningsveg for naudetatar, og i tillegg einaste veg inn til kraftverka som produserar samfunnskritisk vare i form av energi.

Fv 569 - Parti frå Modalstunnelen – Slottporten tunnel treng naudsynt vedlikehald og punktutbetringar, etablering av fleire møteplassar og asfalt.
2. Kollektivtransport med eit effektivt samanhengande system for skuletransport vert prioritert.

Saksopplysningar:

Bakgrunn

Modalen kommune viser til invitasjon til å koma med innspel til økonomisk handlingsprogram og investeringsprogram – Regional transportplan 2022 – 2033. Me viser og til tidlegare innsendte innspel i høve til arbeidet med Regional transportplan(RTP).

Vestland fylke ber særleg om innspel på følgjande i invitasjonen:

1.Kva føremål er viktigast å prioritere i investeringsprogrammet, er det rammeløyvingar til trafikktryggleik og mindre utbetringar, gang- og sykkeltiltak, kollektivtiltak, oppgradering av kai, bru og tunnel eller midlar til store vegprosjekt?

Modalen kommune meiner det viktigaste å prioritere er:

- Utbetringar og vedlikehald på fylkesvegane.
- Eit effektivt kollektivsystem, med fokus på kollektivtilbod til og frå vidaregåande skule på Voss og Knarvik til Modalen. Modalen kommune ynsker å være med å prøve ut tingsingsløyvinga «hent meg», som eit tiltak for å betre kollektivtilbodet internt i kommunen og mot Alver og Vaksdal kommunar.

2. Vestland fylke ber om synspunkt på at det er føreslått å avsetje 200 mill. kr. årleg til strekningsvise utbetringar av regionale hovudveggar (veggar i funksjonsklasse B), samt å setje i gang minst to større gang -og sykkeltiltak utanom Miljøløftet årleg. Det er også føreslått eigne løyvingar til rekkverk, vegljøs og til ei ordning med spleiselag for mindre prosjekt.

Modalen kommune viser til punkt i RTP der det står følgjande:

«Vestland fylke skal ha eit trafikkikkert og framkomeleg fylkesvegnett. Vedlikehaldet av dagens fylkesvegnett skal styrkast med mål om å stoppe veksten i forfallet.»

Målet om å stoppe veksten i forfallet er difor ei stor utfordring men det kostar meir å la vere. Fylkesvegane er av ulik standard, dei er smale og har stort sett ei køyrebane, og det er langt mellom møteplassane. Om forfallet får fortsetje som no, vil det gje dårlegare rammer for vekst og utvikling i fylket. Det må setjast av meir midlar.

3.Vestland fylkeskommune ber kommunane gjere ei vurdering av moglege konkrete samarbeidsprosjekt med framlegg til spleiselag for finansiering. Vidare ber Vestland fylke om innspel til korleis ein kan få mest mogleg for pengane for konkrete framlegg til prosjekt.

Modalen kommunestyre har i kommunestyremøte 16.april 2020 i vedtak, understreka at prinsipielt er det Vestland fylkeskommune som vegeigar, sitt ansvar å finansiere vedlikehald og utbetring av fylkesvegnettet. Likevel ser ein at ei ordning med spleiselag for mindre prosjekt er med å realisere prosjekt som elles ville teke lang tid å få gjennomført, og kanskje ikkje gjennomført i det heile.

Døme på prosjekt der det er mogleg å gå i dialog med Modalen kommune om spleiselag:

Fv 569 Modalstunnelen – Slottsporten tunnel: Møteplassar, punktutbetringar og betre tilrettelegging for gåande og syklende.

Fv 5412 Kryss Modalstunnelen – Straume: Flaumsikring, mindre reparasjonar, kantsikring mm.

1. *Vestland fylke ber om synspunkt på om det er dei rette tiltak og prosjekt som er lagt inn i investeringsprogrammet, og kva som er viktigast å prioritere.*

Modalen kommune viser til at investeringsprogrammet, saman med økonomisk handlingsprogram skal synleggjere dei økonomiske utfordringane innan samferdsleområdet dei komande åra. Dette er ein viktig del av RTP, som skal være med å sikre samfunnsutvikling også i distrikta.

Modalen kommune ber difor om at følgjande prosjekt må takast med i investeringsprogrammet:

Fv569 Modalstunnelen – Slottsporten tunnel: Vegen er viktig for å løysa ut samfunns- og næringsutvikling i Modalen. Vegen slik den er no hemmar det meste av utvikling i indre strøk. Vegen fungerer også som omkøyringsveg for E16-E39. Me ber om punktutbetringar, møteplassar og asfaltering som kan vera med å heva kvaliteten på vegen.

Fv 5412 – Modalen treng punktutbetring, reparasjon av vegkropp, flaumsikring fire ulike stader og oppgradering av vegdekke. Strekninga mellom Helland – Straume er no i særskildt dårleg tilstand, om ein ser vekk frå punkta som har fått naudsynt reparasjon og nytt vegdekke for nokre få år sidan. Vegen er viktig for dagleg drift av Modalen kommune, transport av landbruksprodukt til og frå kommunen slik som mjølk, gjødsel, kraftfôr mm. Den er og pendlarveg for tilsette i privat og offentleg sektor, skuleveg for elevar i grunnskule og vidaregåande skule, born og tilsette i barnehage, utrykningsveg for naudetatar, og i tillegg einaste veg inn til kraftverka som produserar samfunnskritisk vare i form av energi. Modalstunet er lokalisert på Øvre Helland og har brukarar her som skal møta til timar hjå fastlege, spesialisthelseteneste og anna naudsynte ærend og må transporterast på særskildt dårleg veg.

Konklusjon

Modalen kommune ber om at følgjande tiltak vert prioritert raskt:

1. Fv 5412 – Modalen treng punktutbetring, reparasjon av vegkropp, flaumsikring fire ulike stader og oppgradering av vegdekke på strekninga mellom Helland – Straume.
Vegen er i særskildt dårleg tilstand. Vegen er viktig for dagleg drift av Modalen kommune, transport av landbruksprodukt til og frå kommunen slik som mjølk, gjødsel, kraftfôr mm. Den er og pendlarveg for tilsette i privat og offentleg sektor, skuleveg for elevar i grunnskule og vidaregåande skule, born og tilsette i barnehage, utrykningsveg for naudetatar, og i tillegg einaste veg inn til kraftverka som produserar samfunnskritisk vare i form av energi.

Fv 569 - Parti frå Modalstunnelen – Slottsporten tunnel treng naudsynt vedlikehald og punktutbetringar, etablering av fleire møteplassar og asfalt. Sjå vedlagt lenke som viser vegstandard, slaghol og skadar på vegen:

<https://scene.nesemedia.no/vegstandard-fv5412/index.html>

2. Kollektivtransport med eit effektivt samanhengande system for skuletransport vert prioritert

Kommunestyret - 014/2022

KS - behandling:

Ordførar orienterte om saka og svara på spørsmål.

Forslag om å leggje inn kantsikring som naudsynt tiltak på fv 569 vart lagt inn i framlegg til vedtak. Samrøystes vedteke

KS - vedtak:

Kommunestyret i Modalen vedtek vedlagt høyringsuttale som innspel til økonomisk handlingsprogram og investeringsprogram for Regional transportplan 2022 – 2033

Modalen kommune ber om at følgjande tiltak vert prioritert raskt:

1. Fv 5412 – Modalen treng punktutbetring, reparasjon av vegkropp, flaumsikring fire ulike stader og oppgradering av vegdekke på strekninga mellom Helland – Straume.
Vegen er i særskild dårleg tilstand. Vegen er viktig for dagleg drift av Modalen kommune, transport av landbruksprodukt til og frå kommunen slik som mjølk, gjødsel, kraftfôr mm. Den er og pendlarveg for tilsette i privat og offentleg sektor, skuleveg for elevar i grunnskule og vidaregåande skule, born og tilsette i barnehage, utrykningsveg for naudetatar, og i tillegg einaste veg inn til kraftverka som produserar samfunnskritisk vare i form av energi.

Fv 569 - Parti frå Modalstunnelen – Slottsporten tunnel treng naudsynt vedlikehald og punktutbetringar, etablering av fleire møteplassar, kantsikring og asfalt.
2. Kollektivtransport med eit effektivt samanhengande system for skuletransport vert prioritert.

Vedlegg:

Regional transportplan 2022-2033 - Invitasjon til innspel til økonomisk handlingsprogram og investeringsprogram

øk handlingsprogram og investeringsprogram - utkast innspel til kommunane feb 2022